

الحكمة في التعامل مع الناس | الشيخ الحويني

أبو إسحاق الحويني

ان الحمد لله تعالى ونستعين به ونستغفره ونعود بالله تعالى من شرور انفسنا وسبئات اعمالنا من يهد الله تعالى فلا مصل له. ومن يضل فلا هادي له. واشهد ان لا - 00:00:00

لا اله الا الله وحده لا شريك له. واشهد ان محمدا عبده ورسوله. اما بعد فان اصدق الحديث كتاب الله تعالى واحسن الهدي هدي محمد صلى الله عليه واله وسلم - 00:00:36

الامور محدثاتها. وكل محدثة بدعة. وكل ضلاله في النار اللهم صلي على محمد وعلى آل محمد كما صليت على ابراهيم وعلى آل ابراهيم في العالمين انك حميد - 00:00:56

مجيد. وبارك على محمد وعلى آل محمد. كما باركت على ابراهيم وعلى آل ابراهيم العالمين انك حميد مجيد. فان شاء الله تعالى بعد صلاة كل جمعة نشرح من كتاب صيد الخاطر. للمام ابي الفرج ابن - 00:01:16

ابن الجوزي رحمه الله والذي كنت اصطلحت على تسمية هذا الشرح بمدرسة الحياة ان هو يوم الاثنين ان شاء الله اذا بدأ ده انا اريد ان اجعله لمصطلح الحديث خاصة كان فيه مشكلة عندي انه لا استطيع - 00:01:46

لنعطي الا يوما واحدا في الاسبوع. كيف اوفق ما بين مدرسة الحياة وهي مهمة معاني الایمان دي يحتاج اليها طالب العلم. قبل الرجل العام. يعني بعض الناس يتصور ان مثل هذه المجالس لا - 00:02:06

أهمية لها لا هي في غاية الالهامية لانها تدلوا القلب. مصطلح الحديث شأنه شأن علوم الالات جامد يقسي القلب وحسبك ان تعرف ان بعض من كان يشار اليه بالبنان في علم اصول الفقه ذكروا في ترجمته انه كان لا يصلی. انا لا - 00:02:26

طبعا لكن يعني عايز اقول لك ايه يعني مسألة اصول الفقه اصول الحديث اصول العربية. هذه علوم جامدة طالب العلم اذا لم يعني يهتم بقلبه اورثته جمودا. يعني ايه؟ لان خطبة الجمعة يحضرها كثير - 00:02:56

من الناس غير المختصين ينفعهم بازن الله تعالى الكلام في مثل هذه الموضوعات لا سيما من هذا الكتاب المادي الذي خطه يراع ابن الجوزي بقلم رشيق. آآ الخاطرة التي اخترتها اليوم - 00:03:16

اه لكم يقول فيها ابن الجوزي رحمه الله وهي في غاية الالهامية وانا اخترتها اليوم لافتتح بها. يقول مما افادتني شارب الزمان انه لا ينبغي لاحد ان يظاهر بالعداوة احد - 00:03:36

غدا ما استطاع فانه ربما يحتاج اليه مهما كانت منزلته وان الانسان ربما لا يظن الحاجة الى مثله يوما ما. كما لا يحتاج الى كما لا يحتاج الى عويد منبوز لا يلتفت اليه. كم من محترق احتاج اليه - 00:04:06

فاما لم تقع الحاجة الى ذلك الشخص في جلب نفع وقعت الحاجة في دفع ضر ولقد احتجت في عمري الى ملاطفة اقوام ما خطر لي فقط وقوع الحاجة الى التلطيف بهم - 00:04:36

واعلم ان المظاهرة بالعداوة قد تجلب اذى من حيث لا يعلم لان المظاهر بالعداوة كشاھر السيف ينتظر مضرها. وقد يلوح منه مضرب خفي وان اجتهد المتدرع في ستر نفسه. فيفتنه ذلك العدو - 00:04:56

ينبغي لمن عاش في الدنيا ان يجتهد في الا يظاهر بالعداوة احدا. لما بينت من وقوع احتياج خلق بعضهم الى بعض. واقدار بعضهم على ضرر بعض. وهذا فصل مفيد دين فائدته للانسان مع تقلب الزمن. عصب هذه الخاطرة يدور - 00:05:26

وعلى كلمة الحكمة لان الطيش سرة كل شر والحكمة وجماعها الحلم والعلم هي مصدر كل خير. كثير من العداوات التي بين الناس

كان يمكن ان تذهب بكلمة طيبة. كان يمكن ان تظهر ببذل الندى مهما كان قليلا - [00:05:56](#)
لكن الحمق والطيش وحظ النفس والتحدي هو الذي جعل العداوة بين الناس كالهواء الذي يتنفسه الناس. يقول ابن الجوزي انه مما سادته التجارب الا يظهر العداوة. ليه؟ لانك لا تدري ا تحتاج - [00:06:36](#)

الى هذا الانسان ام لا هفترض اني رجل مشهور الناس كلها بتوجه الي في مصالحها وفي دفع ضر وفي كشف كربة وفي بذل ندى او في وساطة او في فتوى - [00:07:06](#)

ساعات يأتيك بعض الناس في مهنة محترفة بين الناس. وانت شايفه كده طول عمره بينزل بكميات ويفتح فيها ويطلع فيها ويقلع ويعلم والكلام ده. قد يكون هذا الانسان يوما - [00:07:29](#)

سبب نجاتك وانت لا تدري. والمعروف دائما ينتظر صاحبه على الطريق لازم تعرف دي قانون ومن يعمل الخير لا يعدم جوازه ولا العرف بين الله والناس. آآ هناك قصة وفيها عبرة. وقعت لامام كبير علم - [00:07:49](#)

من مشايخ احمد ومشايخ الامام احمد كان كثير منهم معظمين عنده لا سيما ازا كان واحد زي يحيى ابن سعيد القطاطي مثلا. يا عم سعيد ده كان عند احمد حاجة كده عالية اويء. لأن الشيخ الذي ساتكلم عنه لاحمد احمد جعله فوق يحيى - [00:08:29](#)

وكان يختم القرآن كل ليلة. ما يجيشه واحد من ضعاف الهم يقول ازا يختتموا في ليلة اللي حافظ القرآن مية يجيب سورة البقرة في ربع ساعة اللي حافظ القرآن مية. يجييها في ربع ساعة. وآآ - [00:08:58](#)

آآ ربنا سبحانه وتعالى يفتح لبعض الناس ما لا يفتحه للآخر. يعني القرآن مرتل لما انت تحب تسمعه كده في الراديو الشیخ المنشاوي ولا غيره والكلام ده. تمنتشر ساعة. لو انت خدته على بعضه مرة واحدة كده تمنتشر ساعة - [00:09:26](#)

شوف بيقرأ ازا بهدوء مرة ومش عارف ايه والكلام ده لأ انت بقى ايه سريع سريع سريع ما تجيبيوش في اربع خمس ساعات ست ساعات. ما هو ليهم كان كده. في حديث ضعيف انا ما بتحتجش به يعني بس - [00:09:46](#)

اووضح لك المسألة الشتاء ربعة المؤمن يقصر نهاره فيصومه ويطول ليه فيقوم. فده بقى لما يكون حافظ القرآن يستظهره عن ظهر قلب مية كده يقدر يجيب القرآن في عدة ساعات. وكان يصوم الدهر - [00:10:03](#)

وآآ نبل بابيه. طبعا انت كل شوية تقولوا يا ترى مين ما يدخل في الموضوع ها خليني بقى اشوقكم شوية. عشان في الآخر لما اقول اسمه تقوم ايه تستطعم الكلام اللي هقوله لك. ها؟ نبل - [00:10:27](#)

بابيه كان ابوه رجلا محدثا ايضا. من ثقات المحدثين. وكان واليا على بيت المال في الكوفة. هذه المكانة اهلته ان يصل الى شيخ في غاية العسرة في التحديث ان يصل اليه بسهولة. ذاك هو الاعمش - [00:10:47](#)

اللي هو عاصر جدا في التحديث. ذهب اليه صاحبنا الامام الصاحب نبيه يعني ايه المحدثون بيزعلوا منها شوية. بس انا بحبه قوي فمعلش يعني هقول صاحبنا. طبعا الصاحب يطلقونه على - [00:11:17](#)

الموافق لك في المذهب حتى وان بعد في الزمان. ولذلك تلاقى مثلا في المذاهب يقول لك قال اصحابنا الشافعية قال اصحابنا الحنابلة انت اللي بتقول اصحابنا مين بقى؟ اخونا في الله احمد بن حنبل ها؟ ها وانت نازل بقى. بعض الناس ما كان يقول لك اخونا في الله احمد بن حنبل - [00:11:37](#)

فدول كله من اول الامام احمد الامام احمد وانت نازل بقى ايه يقال اصحابنا. فصاحبنا المحدث ذهب الى هذا الباز الاشهر الاعمش قال له ما اسمك؟ قال فلان ها مش عايز اقوله برضه. قال اسم النبيل قال - [00:11:57](#)

ابن من؟ قال ابن فلان. وكان واليا على بيت مال العلماء كانوا يعطوا الامراء كانوا عاملين مرتبا للعلماء في الدولة. فكان الاعمش يروح في الطابور عشان ياخد اليه؟ العطاء بتاعه. لأ ده خلاص - [00:12:27](#)

لقى وسط على طول قال له اتنى بعطاكي وساحتوك في كل مرة بخمسة احاديث. مش خمسينية مثلا ولا مية حدث ولا الكلام ده بخمسة احاديث فلما ذهب صاحبنا الى ابيه واخبره بالصفقة الرهيبة دي خمس احاديس حاجة فلة - [00:12:47](#)

قال له خذ نصف العطاء ويحدثك بخمسة. وارجع خد النص الثاني ويحدثك بخمسة. يبقى ده عشر فجاءه بنصف عطاءه. فنظر

الاعمش وقال قلب الدناني. قال ما هذا نصف العطاء فحدثه بحديثين. وقال لا اعطيك الخمسة حتى تأتني بباقي العطاء - 00:13:12
قل لابيك ان الاعمش مدرب. قد شهد الواقع. ها؟ يعني ده تكون في حرب وبتاع رجل مجريب يعني. ها؟ فراح جاب له النص الثاني من العطاء. وحدد له خمس احاديث وظل صاحبنا - 00:13:46

كذا كل شهر ييجي يدي له العطايا ويأخذ خمسة احاديث. وكانوا لا يقدمون عليه في الكوفة احدا ولما مات سفيان الثوري جلس مكان سفيان. بل بلغ من نباهته ان حدث عنه سفيان في حياته - 00:14:06

انت عارف الشيخ لما يحدس عن تلميذ حاجة فخمة قوي يعني. ابن خزيمة روى في صحيحه حدثنا وبعد بعدها رواه قال حدثت محمد بن اسماعيل البخاري بهذا الحديث. حاجة شرف يعني. يحدث البخاري بهذا - 00:14:31

حديث برغم ان ابن خزيمة والبخاري اشتراكا في كثير من الشيوخ يعني هم ايه يعتبروا اقران في كثير من الشيوخ وان كان البخاري يعلوه سنا من الشيوخ ما لم يدركه من تحته. حاشا ابا داود فقط الا ادرك شيخ ولا اتنين ولا تلاتة من مشايخ البخاري الكبار بس. اما بقية الائمة - 00:14:51

الستة بقية الايام الباقيين بقية ستة يعني فاما ادركه الطبقة الاولى من شيخ البخاري. المهم صاحبنا هذا مع مكانته وتقديره ذهب الى مكة حاجا عليه الطلبة وطلبو منه ان يحدث بحديث. يحدث بالحديث الاتي - 00:15:11

عن اسماعيل ابن ابي خالد عن عبد الله البهبي ان النبي صلى الله عليه وسلم لما جاء ابو بكر كشف وجهه وقبله وقال بابي انت وامي يا رسول الله طبت حيا وميتا. قال - 00:15:41

ثم ان النبي صلى الله عليه وسلم ترك يوما وليلة حتى ربى بطنه وانشنت خنصره. وانشنت خنصره. ربى بطنه يعني اتنفی واخضر خنصره. يعني بدأ الایه؟ العفن يزهر في اللحم - 00:16:06

لما سمع اهل مكة هذا لم يتحملوه ازاي والنبي عليه الصلاة والسلام الان بابي هو وامي هو هو كما كان. لم يتغير منه شيء طيب في مماته كما كان طيبا في حياته - 00:16:33

واذا كان الشهداء وهم دون الانبياء لا تبلی اجسادهم. فكيف بالانبياء؟ فكيف بسيدهم صلى الله عليه وسلم. المهم ان ان المكيين لم يتحملوا القصة دي ورفعوا هذه القصة الى الوالي - 00:16:57

قالوا له ان وكيع بن الجراح هو ده الامام بقى اللي احنا عمالين نتفزز فيه من الصبح ان الامام وكيع بن الجراح او ان وكيعا حدث بذلك وكذا الوالي قال انصبوا لي خشبة برة الحرم. واصر ان يصلبه - 00:17:17

ليه؟ لانه روى شيئا فيه غض من رسول الله صلى الله عليه وسلم والنبي عليه الصلاة والسلام خط احمر لا يتتجاوز. ابدا ولا ينبغي لاحد قطر ان يسمح له ان يتعدى هذا الخط - 00:17:43

نحن ما ضربت علينا الذلة والمسكينة والعار الا بتترك الفسقة والفسقة يتعدون على عرض النبي عليه الصلاة والسلام. لسه من الشهر اللي فات. عنوان في جريدة كتبه صحفي قليل الادب. يقول النبي عليه الصلاة والسلام اكان سنينا ام شيعيا - 00:18:10

ده كلام يكتب عن النبي سني ولا شيء؟ مهمما كان قصده. في الاخر عايز يقول لك احنا كلنا مسلمين استاذ احمد راح اللي الدنيا ماشية فيه الان. ما فيش اي فرق بين اي حد - 00:18:38

سني زي شيعي زي جبر زي قدر زي معتزلي زي اي حاجة ما انا بقول لكم كلكم عايزين يلموا كلهم في بوترة واحدة وينمحي اثر الاسلام. وخد بقى كل يوم - 00:18:53

كلام عن النبي كأنه بيتكلم عن واحد عادي ماشي في الشارع. والله عز وجل يقول يا ايها الذين امنوا لا تجعلوا دعاء الرسول بينكم كدعاء بعضكم بعضا لا تقل له يا محمد - 00:19:08

انت ممنوع من هذا اذا ناديته لا تناديه باسمه المجرد. نادي اه ناد اخاك جارك عمك خالك انت حر. لكن الرسول عليه الصلاة والسلام لا يقال له الا بالنبوة والرسالة يا رسول الله يا نبي الله. ده فاطمة بنته - 00:19:22

ما كانت تقول له يا ابي كانت تقول له يا رسول الله ان ازواجه يسألنك العدل في ابنة ابي قحافة. ما كانتش واحدة من ازواجه برغم

ان هي يعني الا عائشة في امه - 00:19:45

سقط الغضب لما كانت آن تنسبه تقول له لا ورب محمد لا ورب ابراهيم بس وده مش نداء ما بتقولوش يا محمد. في باب النداء ممنوع
وحتى يؤدب رسول الله صلى الله عليه وسلم الصحابة منعهم في حياته ان يتكنى رجل بابي القاسم - [00:20:01](#)
علشان مرة واحد كان يكتنى ببابي القاسم واحد بينادي له وقال له يا ابا القاسم النبي صلى الله عليه وسلم كان موجود. قال يا ليك
قال له مش انت انا اقصد فلان ازاي بقى يقول له مش انت؟ لم اعنك حتى لا يقع واحد منهم في - [00:20:24](#)
مثل هذا قال تسموا باسمي ولا تكتنوا بكتنيتي. دواكيع بيحكي حكاية وسندوها منقطع وهي من كرة. عبدالله البهبي لم يدرك زمان النبي.
صلى الله عليه وسلم. ولم يدرك يا ابا بكر وساعات العلماء كانوا يجعلون مثل هذا في باب المذكرة مش في باب الاحتجاج - [00:20:44](#)

لا وبعدين يتذكروا ساعات كانوا يغربوا على بعض باسانيد وبتاع والكلام ده. انما بباب الاحتجاج لأ ما كانواش يعملوا المسألة دي
واحيانا من من شدة نهم المحدثين كانوا يطلبون هذه الغرائب - [00:21:14](#)

فما بالك اذا كان الذي اتى بهذه الغريبة امام وقوفي وجاي مكة. يعني فاكهة بالنسبة لاهل مكة وكلهم يعلمون ان وكيعا يعظم النبي
عليه الصلاة والسلام. مش عايزه كلام ديت. ومع ذلك اول ما القصة وصلت للوالى انصبوا - [00:21:31](#)

الاول حبسوه. بعد ما قال انصبوا الخشبة وعرف وكيع انه سيقتل حبسوه لحد ما ايه يتداولوا في امر وبتاع ويطلعوا يشنقوه. فكان
وكيع معه صاحبه فقال له ايه العمل ؟ احنا مضطرين - [00:21:53](#)

نكل سفيان ابن مضطري يكلم سفيان ليه ؟ كان بين وكيع وسفيان خصومة كان بين اوكيه بن الجراح وسفيان بن عيينة امام اهل مكة
خصومة. ويمكن بقى الخصومة مدرسة العراق ومدرسة الحجاز كانت معروفة. مدرسة الحجاز التي كان يمثلها سفيان في مكة ومالك
في المدينة. كان بينها وبين مدرسة - [00:22:24](#)

والكوفة والبصر والكلام اللي كان بينهم مشاكل. برضه مشاكل علمية يعني لما وكيع قال احنا مضطربين قال له بص المسألة ما فيش فيها هزار لازم تبعت له والا هتقتل. وصل المسال لسفيان ابن عيينة ان وكيع محبوس والوالي هيقتله - [00:22:53](#)
دخل سفيان يكلم الوالي ابدا. مصر يقتله. يجييه يمين يجييه شمال قال قال اللوك لا ده ده بيتكلم في النبي ده ما فيش فيها حل.
وسفيان ده ايه؟ امام المكيين. ها؟ امام المكيين يعني - [00:23:19](#)

سنان على علم والولا عارفه كويس جدا فاضطر سفيان يهدده. فقال له هذا رجل نبيل معروف من اهل الكوفة وله عشيرة. ووالده بباب امير المؤمنين ومنه للامير المؤمنين على طول. ها حتقتله انت حتقتلن به. وقد نصحته. انت حر - [00:23:39](#)
قال فعل فيه كلام سفيان. فاطلقه. اول ما اطلقه ركب الدابة بتاعته. وآآ من جسد سارة وكبيع انه قال واخد بعضه رايح المدينة.
مش حتى هيهرب بجلده ولا يروح الكوفة يروح لأن رايح المسجد - [00:24:08](#)

كنت قتلتة كنت انت هتروح في داهية وتبقى مشكلة وسین وجیم وبیتع - 00:24:28

فقال له الوالى تعلم يا حارث؟ انا ما نمت البارحة. قال له ليه قال له جرى على قلبي حديث جابر. انه مستخرج الشهداء بعد اربعين سنة طرية اجسادهم تتنفسن اصابعهم وعضلاتهم مش مببسة يعني. بقى دول الشهداء وده يقول لربى بطن وانسلخ انتراه واسيبه -

طالع بقى الجماعة بتوع المدينة كل واحد بقى بيلطة ومش عارف ايه والكلام ده هيقطعه وكيع. سعيد المنصور رروا القصة ديت
د بقى الخيل اللي في سوانى توصل. رسالة مستعجلة من اهل مكة الى اهل المدينة. قالوا لهم لا تتكلوا على الوالي. استنوا وقع على السكة. اول ما تشوهوه ارجموه. واقتلوه. الولادة وبيهادنوا - 00:25:46
د بقى خيل بقى من اللي هي بقى ايه من اللي هي - 00:25:25
انا كيف اطلقته؟ ندمان اشد الندم ان هو طلعة. الجماعة بقى اهل مكة لما عرفوا وكيع خرج فغضبانين بعتوا على جناح السرعة ناس

يقول قل فبلغني ذلك فارسلنا الى وكيع بريدا الا تأتي المدينة. هيقطعوه عشان خاطر ايه؟ روى حديثا في باب المذاكرة - 00:26:06
مع ما في قلبه من التمجيل والتعظيم للنبي عليه الصلاة والسلام. حصل بقى انه الرشيد هارون كان بيحج في السنة دي. فلما وكيع
حصل منه اللي حصل استدعى عالمين كبيرين - 00:26:26

سفيان ابن عيينة وعبد المجيد ابن عبدالعزيز ابن ابي رواد. قال لهم افتوني في شأن وكيع فلو راح في بلاد ترك الافيال هجيبة. اذا
انتم الاثنين افتيتوا بقتله انا هجيبة اقتله. بس انتم افتوني في امري وكيع - 00:26:47
عشان اقول لك ما فيش حد جليل قدام النبي. ما فيش حد يتحط في باله اصلا. ابدا. هو النبي صلى الله عليه وسلم هنا وما فيش حد
ما فيش حد بيالي. خالص - 00:27:10

لواكيع ولا ابو وكيع ولا جد وكيع ولا الدنيا بحالها في عبدالعزيز عبدالمجيد بن عبدالعزيز بن ابي رواد قال اهذا يقتل لانه لا يروي هذا
الا من في قلبه غل للنبي - 00:27:20

وكان فيه مشاكل برضو ما بين عبدالجيد اما سفيان فقال هذا حديث ومضى في الناس وليس وكيعا هو الذي اخترعه ولا ابتدع
رجل وصل اليه حديثه فحدث به وبرأ ساحة وكيع وترك وكيع لهدي هذا. الشاهد اهو - 00:27:34
الخصوصة كانت بين سفيان. وبين وكيع لم تكون كما تكون بين الحمقى العقلاء لما بيخلفوا بينهم سكاك اتصال. وللتأنويل مجال
والانصاف يظلل هذا كله عشان الجماعة اللي هم ايه آقادعين ليل نهار يتكلموا في المشايخ. ده مبتدع. ده امام - 00:28:01
الجرح والتعديل قال فيه اه لا يساوي شيئا. ده اصل علان العلاني حطه في المش عارف ايه. ده اصله بيهادن المبتعدة قادعين
فاضيين. اذا كان لك ميت حسنة سيئة واحدة تمحوها - 00:28:33

عند هؤلاء ظهر الله الارض منهم. دول يعني كانوا نزاع وشر لسه امس وصلني مكالمة من كندا الفجر والله بعد ما صليت الفجر وانا
قاعد احضر للخطبة. مكالمة جاية لي من كندا الجماعة ايام الملاطيش دول - 00:28:50
رايحين كندا اللي هي ما فيهاش الا مسجد كل في كل مدينة تلاقي مسجد ده اذا المسلمين عرفوا ببنوا مسجد. لا فيه صوت اذان
ولا فيه مسلمين ولا فيه ائمه ولا فيش - 00:29:12

اول ما نزلوا البلد شغتهم احرزوا فلانا وفلانا وفلانا. فان فلان صفتة كذا وعلان صفتة كذا. يا ابني ده مش عارف توحيد هذا الذي
تكلمه لا يعرف شيئا في التوحيد - 00:29:26
لا يعرف شيئا عن ربها. قاعد في البلد ومولود في البلد بقى له تلاتين سنة مولود في البلد. اول ما تيجي تكلمه لا تعرفه رب العالمين
فمن صفات رب العالمين ولا ما جاء به الرسول الامين. هو كل القضية احذر فلان وفلان لان فلان ضلال وفلان مش عارف ايه. وفلان
من جماعة كزا وفلان من جماعة كزا - 00:29:40

سفهاء الاحلام حدثاء الاسنان يقولون من قول خير البرية ادي المشكلة اوروبا تقريبا. صدعت بسبب هؤلاء شوف الانسان لما لما
يختلف اهل العلم لما بيخلفوا تلاقي بينهم ارضية مشتركة. الخلاف يحطه في حاجة - 00:30:00
اه اهل الحديث كانوا يخالفون اهل العراق في اشياء على الاقل منها النبي. عند اللي هو كان ايه يعني آيرمي تمرات والكلام ده قبل
ان يشتدد كانوا يشربوا اهل الحجاز لا اهل العراق اه متأنلين بتاع الكلام ده ومع ذلك - 00:30:28

كان الامام احمد كما هو مشايخه من العراق كثيرون منهم وكيع وغيره والعلماء دول ومع ذلك شف كان يحفظ ويتكلم عنهم كيف كان
يتكلم. فانا عايز اقول انت وانت ماشي في حياتك لابد ان تعلم ان الليايم دول - 00:30:48
صغير القامة اللي ما لوش اي منصب في الدنيا. كما قلت يمكن ان يكون سبب نجاتك. عشان كده ربنا سبحانه وتعالى قال ولا تستوي
الحسنة ولا السيئة. ادفع بالتي والله العزيم الایة دي تحل كل - 00:31:08

مشكلة موجودة على الارض. لا يكون اساسها الدين. لان الدين غصب عنك. ازا فتدبرت بشيء هناك من سيعاديوك حتى لو انت حاولت
تل الدور وما بيلمش الدور. وبعددين الحق الذي ينبغي ان تعلمه للناس لابد ان تتجه به - 00:31:28
وده مش هيعجب اخرين ها فالازم هيكون فيه عداوات انا ما بتكلمش عن العداوة دي. دي عداوة لازمة مش هنقدر نعمل فيها حاجة.

لكن انكلم عن عداوات اهل الدنيا فيما يتعلق بحظ الانفس ولا تستوي الحسنة ولا ادفع بالتي هي احسن فاذا الذي بينك وبينه عداوة -

00:31:48

كانهولي حميم. وما يلقاها الا الذين صبروا وما يلقاها الا ذو حظ عظيم. الاية دي منجم دهب شوف فيها ادفع بالتي هي احسن. يبقى خصمك غشيم وحش تهدي فيه ما بيهداش. ايه اللي عرفني من الاية ان انا خصم كده - 00:32:13

بالتي هي الكلمتين دول. بالتي هي احسن. مش ادفع بالاحسن؟ او ادفع بالحسن. ها لا ادع الى سبيل ربك بالحكمة والموعظة حسنتي وجادلهم بالتي هي احسن فاخلي الحكمة من الوصف ووصف الموعظة والجدال - 00:32:55

ما كانش الكلام ادع الى سبيل ربك بالحكمة الحسنة. ما ينفعش لان الحكمة حسنها ذاتي. اذا خلت من الحكمة اذا خلت من الحزن من الحسن لا تكون حكمة عشان كده الحكمة نحن لا نحتاج ان نضع لها صفة - 00:33:41

خالص دي اعلى الدرجات كلها. درجة الانبياء وورثة الانبياء والموعظة الحسنة. الموعظة ليه؟ لان ساعات الموعظة تبقى جافة. تسمع واحد يقول اعوز بالله. ايه ده وحش معقدك في حياتك. مش هنقول بقى زي ما هم بيقولوا في تجديد الخبر الديني كل حاجة الشجاع الاقرع والحياة لابدلت في القبر - 00:34:08

تتكلمشك من هنا والكلام ده لأ سببوا الكلام ده كله ورغبوا الناس. قولوا لهم الجنة ونعمتها وان شاء الله هنا انت قاعد على الرصيف بكرة ان شاء الله قصر منيف وبتاع استحمل الرصيف لحد ما تصل للقصر المنيف. ها؟ لأ. فيه واحد خشن في - 00:34:38

عبارة خشن النبي عليه الصلة والسلام قال ايه؟ ايها الناس ان منكم منفرين في كثير من الابناء قصدتهم جيد لكن طريقتهم غبية. كرهوا الاباء في الالتزام. سببه ايه؟ عامل نفسه وورع فيما يجوز له ان يتراخص فيه - 00:34:58

انت قدام واحد مش ملتزم واحدة مش ملتزمة. عمال تتورع لي! طب ما يا اخي خد بالجواز لحد ما تطلع بهم لفوق او تنفرد انت بحياتك تتجاوز وتروح تستقل في حياتك واعمل اللي انت عايزة. لكن قاعد معهم في البيت ومجنبهم ومتش عارف كل - 00:35:25
حاجة يطلع لهم فيها المش عارف ايه والقلة وقالوا والبتاع والكلام ده. لحد ما الناس زهقت. هذا ليس سفيرا جيدا لدينا. هو ده قل تحت الحديث على طول. ايها الناس ان منكم منفرين - 00:35:45

واحدة زوجها راجل شغال على دراعه وبيضرب البلاطة والبتاع والحديد والمهم على اخر النهار بيبقى ايه؟ سطيح. يروح ينام هناك يشخر سايع جار يسمعه. لما ييجي الفجر بقى السست تقومه - 00:36:01

حامدة تأوم فيه وتدلله في ودنه كان عليه عفريت ومش عارف ايه والكلام ده. ويصحى فلان والفجر وما فجرش وبتاع بين وفيين بعدلات ودائى مفتح عينيه كده وبتاع ومش قادر يقوم من على السرير. تقوم تقول له قال رسول الله صلى الله عليه وسلم ان اثقل - 00:36:21

صلوة على المنافقين الفجر والعشاء. ده بقى هي فوق بس هيقوم يلطش لها. ها؟ دي فوته بايه؟ هو ده مش اية حديثه فين السست دي؟ حطيته في موضعه الله! يعني هو كونه تعban مش قادر يقوم - 00:36:41

ها مسلا عنده نية قيام بسبب شدة التعب والكلام ده. تقوم تقول له الكلمتين دول طب ده النبي عليه الصلة والسلام لما كان القوم معاذ بن جبل بيقولوا له صل بنا لهم لأ ما اسييش الصلة ورا النبي ولا اصلي بكم قال خلاص صلي العشاء ورا النبي صلى الله عليه وسلم واحدنا هننتزرك تصلي بنا العشاء. فرایح - 00:37:01

يصلی خلف النبي صلى الله عليه وسلم جاي ايمانه زايد وعاري وبقى وطاير بجناحين ومش عارف ايه والكلام ده. فداخل بقى في المحراب وافتتح بالبقرة بقى على اساس انه ايه هيقرأ بقى واحد - 00:37:21

من الجماعة التعباني طول النهار وماشيين ورا الجمل رايحين جايدين رايحين جايدين ورا الجمل اول ما بيصلی العشاء ما بيصدق. بينما على طول اول ما شاف كده افتتح بالبقرة قال لي خلاص احنا قدامنا ساعتين بقى على ما نخلص القصة دي قام مسلم ومصلی ايه صلاة خفيفة كده ومشي. خلص معاد الصلاة - 00:37:31

قالوا له يا فلان الفلانى عامل كزا كزا. قال انه لمنافق الشاب بلغته الكلمة انا منافق ازاي الكلام ده؟ راح شكا للنبي عليه الصلة

والسلام. قال يا رسول الله ان اصحابنا واضح - 00:37:51

والبعير وما يعرفش شغلانة الجمال دي الا الجمال. متعبه متتبعة. ماشي رايح جاي حتى بيسللي ساعات نفسه يمسك ديل الجمل يقعد يقول يا عيني يا ليل وبتاع وغن عشان يسللي نفسه في الطريق رايح جاي. من شدة من شدة المشقة. اصحابنا واضح ومعاد يصللي عندك فجاء يوما - 00:38:06

افتتح بالبقرة فقمت مسلم وصلي وماشي قال انه لمني. فالنبي عليه الصلاة والسلام ارسل الى معاذ قال له ايه؟ قال افتان انت يا معاذ
طب هو معاذ كان بيعمل ايه؟ كان بيصلی ولا قاعد على المسطورة؟ كان بيصلی. ها؟ قال - 00:38:26

تبقى فتافانت يا معاذ هلا قرأت بالشمس وضحاها؟ والليل اذا يغشى؟ دي اخر ارسال في النهار بيكون خلاص الانسان قوته راحت من كتر الشغل. بيبقى عاييز يصللي وينام. عشان يلحق الفجر او ازا كان هيبيقى له حز من - 00:38:46

النبي صلى الله عليه وسلم لمعاذ ها كيف ظنك؟ منافق برضو؟ كيف ظن - 00:39:06

نصلی. صلی. النبی علیه الصلاة والسلام کان یأمر الرجل اذا کان یغالب النعاس وهو یصلی - 00:39:36

ان ينام قال لعل احد حكم يذهب ليدعو فيسب نفسه. ليصلني احد حكم شاطة طول ما انت نشيط ومقبل صل. ما لكش نشاط
كف. كان علي ابن ابي طالب رضي الله عنه يقول - 00:39:56

اغتنمها لقيت نفسك نشيط وخفيف وجميل ايه افتح. ليه هيجي لك وقت من الاوقات عندك فيه ملل - 00:40:16

يستعمل الدليل الصحيح في غير مكانه - 00:40:41

فكان يقول كما رواه البخاري في كتاب العلم من صحيحه حدثوا الناس بما يعرفون - 00:40:57

وانت على المنبر ولا وانت على كرسي كافي الخطاب ولا تلقي الخطاب في الكلام - 00:41:20

انت ايه؟ تحس ان قلبك - 00:41:40

انه اذا كفر فهو في النار وبئس المصير. انت هتقول يستاهل - 00:42:00

يكلمني عن مشكلة مع الطرف الثاني. مراته او الزوج. تقول ارجوك معلش ما تحسسيش - 00:42:20

دوغري عايزه تدخلني في المشكلة دخلني دوغري في المشكلة خليني اخلصها.انا مش هاقعد الف واقول وآانت عارف وايام النبي
كان بيحصل كذا وساعات - 00:42:40

رجاله اعوز بالله منهم بيعملوا كزا كزا كزا ها وهو بيعملها بس انا عمال الف واقول له وفيه رجاله بيعملوا مش عارف ايه والكلام
ده هو بيقول مش انا هو - 00:43:00

علي وانا بلف عليه. يبقى كده مش هخلص الموضوع. لأن في الموعظة العامة مش الموضوع الخاص. الموضوع الخاص ادخل دوغرى على طول اذا كان دخولك مش مش هيبيهدل مسائل ومش هيخلط المسائل تسوء يعني ادخل برضو بالحكمة والكلام ده. انما

الكلام العام اه اتكلم بالكلام - 00:43:10

العام، كل بني ادم بقى في نفسه العاقل يقول والله ده كأنه بيتكلم عنى. ده كانه كان معى الليلة. ده بيقول بالضبط اللي انا بعمله. مسلا جايز ضميره يستيقظ لما هو تايي في الزحمة كده ها يبقى الموعظة امر العبد ايه؟ ان يجعلها حسنة لان ممكن تبقى خشنة -

00:43:30

خلاص؟ وجادلهم بالتى هي احسن ما كانش الكلام وجادلهم بالحسنى. ليه؟ ايه الفرق بين الموعوظة والجدال؟ قال لك الموعوظة واحد واقف بيتكلم انت لو هتفرقع منه مش هتعرف تتكلم. اهو النهاردة ساعات الواحد بيخطب مسلا واحد يبقى متضجر يقول الجدع ده ايه اللي جابني الجامع ده؟ ها - 00:43:50

امتنى بقى يخلص المش عارف ايه والكلام ده؟ ويقول كلام يفسقه. ها؟ وبرضه مش عارف يرد علي. حيرد علي من هنا حياكلوه فساكت. يبقى ازا المتكلم بالموعظة بيتكلم وما تعرفش ترد عليه - 00:44:20

عشان كده قال لك كفاية تبقى حسنة. لان ما فيش ملاحاة ولا حد صدر ولا حد هيقف لك. انما الجدال محميين لبعض السكاكيين وجابين بقى ده هيغلب ده وده جاي معه رباطية وده جاي معاها رباطية وجابين تساجيل عشان تبقى وثيقة وما فيش مانع -

00:44:36

كامبرات وبتاع عشان يبقى بالصوت والصورة والكلام ده قل يا اخويا اللي عندك. ها ويستفزه بقى وانت جاهم وما تفهمش حاجة. انت اللي جاهم وستين جاهم وابوك جا له والجد السادس عشر - 00:44:56

جاهم لكم آآ جدكم الاعلى ابو جهل. ها هيفضلوا ماشيين في النسب لحد ما يوصل لابو جهل. قال انت بتقول علي كده مش عارف ايه كندا في ملاحاة ولا لا؟ في ملاحاة. حتى لو ما فيش ملاحاة وما فيش يعني كلام خشن في البتاعة دي برضو كونك تغلبني في المناظرة. ما حاجة برضه مش كويسة - 00:45:06

ها ده يعني مرة آآ مسعي بن كدام مات. في مرة يعني في حدس من الاحداث كان الميت مشعر بن كتاب. مشعر بن كدام ده من طبقة الاعمش والجماعة دول - 00:45:26

لما ابو حاتم الرازي قالوا له ايهرأيك في مصر؟ قال مسurer المصحف. انا ما شفتش تعديل اقوى من كده المصحف يعني ايه؟ لا نقطه زياده ولا شكل زياده ولا كلمة زياده. حفظه كانك تقرأ من المصحف - 00:45:46

ولا كلمة. وابو حاتم الرازي ده بقى ايه جراح. ما فيش حد بيعدى منه. اللي يعدى منه سليم من غير ما ياخد له كده مطوة كده في جنب يبقى امه داعية له. فمسعل دا لما مات وكل بقى العلماء في جنازة مسعد والكلام دا - 00:46:06

كان احد تلاميذ مسurer الملازمين له اللي بيحبوه والمعروف بالاخز منه. ابو نعيم الفضل ابن دكية. شيخ الاحمد والبخاري فقال بقى خلاص مصعر مات بقى. انا بقى اللي انا البواب بتاع مصعر بقى. اللي عايز لي اي حاجة عن مزرع؟ وقعدوا يتنازروا مع مات الرجال وانا اللي بقى قال فجاءني محمد ابن بشر عند القبر وهم بيدفنتوا ويسعوا قال كم عندك عن مزرع؟ وقعدوا يتنازروا مع بعض قال الفضيل بن دكين فاغرب علي محمد بن بشر سبعين حديثا ما - 00:46:46

سمعتها قط. فقمت من امامه مستخزيا انما ديك نقرني. واحد يقول لك اشمعنى الديك يعني؟ اقول لك لان نقرة الديك بموتة مش فاكرین كلام عمر؟ ها لما قال اني رأيت ان ديك النقرني ثلاث نقرات وما اراه الا بين يدي اجي - 00:47:16

نقرة الديك معناها موتة على طول. كأنه عايز يقول محمد ابن بشر قتلني لان معنى واحد جاي يقول انا انا البواب مسurer ويجي واحد يجيب سبعين حديث ومش واحد مش عارف حاجة عنها ده هتبقى يعني عيبة كبيرة قوي. ده لو عدى حديث ولا اتنين ده -

00:47:46

ما ينامش الليل. فما بالك بسبعين حديثا؟ مشكلة كبيرة. ها؟ فده برضو ايه؟ شف بيقول كنت مستخزيا مع ان ما حصلش لا مناظرة بينهم ولا طب كل المسألة محمد بيقول له ايه؟ عندك کم حديث عن المزهر يعني؟ بس شف حاجة منتهي الرقة يعني. شف الفضل انه كاين نعيم الایه؟ قام لابت في بعضه كده - 00:48:04

وبلعين. وده جدل يعني في منتهي الجمال ومنتهى اللطف يعني لا فيه مشاكل ولا فيه بتاع. فما بالك بقى بانتين ناقر ونقير وجايين بقى كل واحد هيزهر اللي عنده الكلام ده. لا سيمما ازا كان في مجموعة بيترجوا - 00:48:24

ما هو انت عايز تزيد ان تحرر الحق انت واللي خصمته بس. هتجيب الثالث هتبوزها؟ قال الله عز وجل قل انما اعظكم بواحدة ان تقوموا لله مثنى وفرادى ما فيش ثالث اهو. مثنى وفرادى. ثم تتفكرروا. ما بصاحبكم من جن. ليه؟ انا لما اكون انا وانت بس - 00:48:39

هنتمنظر على مين انت ممكن حتى لو غلبتني اطلع اقول كداب ما حصلش. ها دا هو بيفترى علي. ممكن اطلع منها لكن لو في واحد ثالث طب هات الشهود علشان آآ يعرفوك فلان اللي قال ولا فلان اللي عاد اول ما بس آآ مجموعة تزهر خيمة خلاص ايه؟ المسألة انتهت - 00:49:13

الحق فيبقى واحد لهم بالتي هي احسن قال لك لان الجدال فيه حز النفس والكلام ده فمطلوب ان تزيد الحسن حسنا ثم حسنا ثم حسنا تکبد حز نفسك وتبدل الاحسان. عرفت بقى بالتي هي ايه معناها؟ اه - 00:49:35

ادفع بالتي هي. لان معنى الدفع يعني فيه خصومة. على طول. فيبقى لما تيجي تتكلم تكلم بخير. ابن الجوزي في خاطرة تانية بيقول ايه؟ بيقول فانك اذا كلام معناه يعني. فانك اذا تكلمت - 00:49:58

انت بخير انت العوام في شتم خصمك. ها وحمد العلماء حلمك. شف بقى لما انت تكون انت يعني راجل ايه يعني اه ايدك باذلة بتتكلم كلام جميل وبارك الله فيك وسدد الله خطاك ربنا يوسع عليك والكلام ده ما بتقولش غير كده. لما اي واحد يجي يتخلق معك في - 00:50:18

طريق ولا حاجة انت عارف مين اللي هيدغدغوه تحت ايه العوام؟ يا ابن اللذين ده مولانا ده اللي وداك للمش عارف ايه وعملت ايه وخلتني اطحنوه. بيقي العوام هم اللي هيشتموا وانت ايه؟ يا بلاش يا اخي اتق الله مع ان قد يكون انت بتقول زد زد. ها؟ ادي له ادي له من تحت رجليك. بس - 00:50:48

انت بتقول ايه؟ يا اخي لا لا اخوك يا اخي اتق الله اخوك ها. وتقول الكلام ده. يقوم يقول لي حتى العم نفسه يقول يا اخي شف. شف برغم انه مشتوم. وانا - 00:51:08

عايز اضربي شف بيقول يا اخي اتق الله واخوك ومش عارف ايه. يا اخي الاخلاق دي فين والله. راح الزمان بتاع الاخلاق ومش عارف ايه. حتى العام ده لو حتى هو غشيم ولا حاجة ممكن يتعلم منها - 00:51:18

اهل العلم لما يروا هذه الصفات يحبونك. الله! النهاردة لو علي عيل صغير ابن اربع سنين وانت ماشي قام حدفك بالتنوبة طلعت تجري وراه. هيغلطوا مين؟ ها؟ هيغلطوك انت. هيقول لك اعملت عقلك بعقل عيل. اه ده هو اللي - 00:51:28

بالتنوبة. يا ابني باقول لك عيل. ها! فشوف هو قاسها ازاي! هي المسألة كده بالضبط. بيقى انت لما يكون في خصومة بينك وبين احد استعمل اللفظ الجيد. ليه؟ اللي نقل لك الوحش هينقل عنك. فلما ينقل هينقل ايه؟ ما يعرفش - 00:51:48

مش هننزل الا الجميل فانت كده بتعين هذا الظالم ان يكف عن ظلمه. بسبب ايه؟ بسبب هذا الدفع بالله هي احسن بقى هتفرقع منه بس مضطر تقول الكلمتين دول. كانت النتيجة ايه؟ فاذا - 00:52:08

الذى بينك وبينه عداوة كانه. مش فصار ولها لأ كانهولي حميم. ليه كانه؟ قال لك لانه مضطر كن في الظاهر ان يعاملك بالحسنى مع بغضه لك. الولي الحميم قلبه مشرق قلبه مشرف بالحب قبر - 00:52:28

قبل ان تنطق جوارحة. ادي الولي الحميم. لكن ده مشولي حميم. ده انت كبته. ها؟ لازم يتكلم عندك كلام كويس. ليه؟ لانه هيضرب بال بتاع دلو قتي اهو لو انكلم عنك كلام وحش. بيقى كانه في الصورة الظاهرة من يسمعه ولا يدرى - 00:52:58

ما بينك وبينه يقول هوولي حميم ولا ليهولي حميم لكنه ليس كذلك على الحقيقة بيقى انت اجبرته في ظاهره ان يعاملك بالحزن كانهولي حميم. طب مين اللي يصل للمسألة - 00:53:18

هدية قال وما يلقاها الا الذين صبروا. اه. ما عندكش صبر ما تطمعش في المنزلة دي. ابدا. لابد ان تصبر والصبر مأخوذ من اسمه مر.

مر علقم تصبر على حز الغلام ونكر الراقام ومتون الصوارم وانت ساكت - 00:53:37

مین اللي مین اللي يصل لدیه؟ اللي هو الذي يعلم ان کلام الله حق. بس يعلم علم املي قلبي هيكون لنا عارفين ان کلام ربنا حق في القرآن. ما فيش حد اللي بيکذب به ولا الكلام ده. لكن نحن كما قال ابراهيم النخعي - 00:54:07

اعربنا في الكلام ولحنا في العمل. وقال ما عرضت قولي على عملي الا رأيتني مكذبا كما علقه البخاري في صحيحه. يبقى الذي يصل هذه المكانة البنية ادم الصابر الذي يصبر. وما يلقاها الا ذو حظ عظيم. لن يصل الى هذه المرتبة - 00:54:27
بان يتضرع بالصبر ثم بالاحسان لان الدفع بالتي هي احسن من الاحسان. ثم بالاحسان الا رجل له حظ عظيم في الدنيا والآخرة يمضي الى الله عز وجل ولا خصوم له - 00:54:58

شيخ الاسلام ابن تيمية رحمة الله عليه اتسجن سبعاشر سنة. بس مش سبعتاشر سنة حته واحدة خمس سنين على تلت سنين على تلت شهور على سبع شهور على سنة وربع على سنة ونص المهم كملت ايه سبعتاشر سنة - 00:55:16
وابن القيم خد له ستاشر وهو كمان برضه ايه تناطيف كده. كان ابن شيخ الاسلام كان في قعر السجن وكانوا بيسمحوا لهم زمان بالزيارات اي حد يدخل يزور باب السجن مفتوح. ما كانش يهرب حد - 00:55:36

من المشايخ دول ليه؟ لأن يقول لكولي الامر هو اللي سجنني. ها؟ ما اعرفش اخالفة. ناس الدين مربיהם شف الامام احمد بن حنبل لما كانوا يكتفون في السلسل غاب اربعة آآ اكتر من اربعة وعشرين مش عارف سبعة ستة وعشرين شهر سبعة وعشرين شهر في السجن - 00:55:56

مكتفيه بالحديد سلاسل حديد في ايديه ورجليه. كان لما يحب صلي كانوا فاكينها له شوية كده. يفك السلائل دي يتوضأ وبعد ما يخلص يقوم يركب السلائل لوحده كده عشان مین اللي سلسنه؟ امير المؤمنين. ولا يجوز ان يخالف امير المؤمنين. مش بقول لكم احنا خسرنا كتير - 00:56:15

خسرنا كثيرا جدا بتتحية الاسلام عن حياتنا لما يكون العبد عارف ان الله عز وجل هو الذي يراقبه بيتقى الله. بيخاف لكن لما يبقى تحت سلطة قانون جاء الظالم يقول لك اهرب منه عالم زلمة كلهم. ها ويجد هربا - 00:56:45

فكان شيخ الاسلام بقى في السجن وتيجي له بقى ايه الناس كلها تبعت فتاوى لشيخ الاسلام. عايزين جوابه هو طب والقضاة الذين سجنوه؟ اللي قاضي قضاة الشافعية وقاضي قضاة المالكية وقاضي قضاة الحنفية ومش عارف ايه الجماعة ده. واخرون من علماء اللي تواطؤوا على انهم - 00:57:06

كانوا طلقاء او يجي له الفتوى بعد الفتوى بحكم المنصب بتاعه وخلصنا لكن ابن تيمية كانت تيجي له قد كده. ومع ذلك اخر مرة اتسجن فيها قال قد سامحت كل من - 00:57:26

اذاني واحللته الا من كان عدوا لله ورسوله ابن مخلوف ابن الزملکاني والجامعة ابن مخلوف المالكي ده كان يقول لي اقتلوا ابن تيمية ودمه في عنقه الشوكاني بيسميه في البدر الطالع بيسميه الشيطان - 00:57:48

لا يسميه الا الشيطان. فانتبهوا الاحلال. فالجامعة قبل الزملکاني وابن مخلوف والجامعة دول قالوا والله ما رأينا مثل ابن تيمية قط ما تركنا سبيلا الى ايذائه الا سلکناه ثم عفا عشان كده في جنازة ابن تيمية ثلاثة ما يعرفوش يطلعوا - 00:58:12

جنازة. ليه؟ لأنهم كانوا هيتحطوا في تلات نعوش مع ابن تيمية. العوام كانوا هيقتلواهم. لو شافوهم يقول العلماء علي ابن عمر وغيره كان في جنازة خمسين الف امرأة خمسين الف امرأة ولم نعرف جنازة في الاسلام تضاهيها الا جنازة الامام - 00:58:46

احمد برغم ان احمد انداك كان المتوكلى بقى وكانت او الحرب وضعـت اوزارها وكان احمد بن حنبل وصل للدنيـا امام السنـة بقى فـكـانت دولة معـه. انما ابن تيمـية كان طـالـعـ من السـجـنـ مـيـتـ. يعنيـ الدـوـلـةـ لمـ تـكـنـ معـهـ. اـمـالـ لـوـ الدـوـلـةـ كـانـتـ معـهـ جـنـازـتـهـ شـكـلـاـهـ ايـهـ - 00:59:16

لو عرفوا بقى ان امير المؤمنين هيحضر الجنازة ولا والي البلد يحضر الجنازة ولا الكلام ده شف بقى الالوف المؤلفة كان ممكن يحصلها. طالع من السجن على الجبانة ها مات في السجن. شيخ الاسلام وخمسين الف امرأة وشف الرجالـةـ كانواـ قدـ ايـهـ. فـشـفـ هيـ

النفوس - 00:59:36

كبيرة هي التي تفعل هذا. اذا ظلمت فعفوت فانت كبير. وليس كبير القوم من يحمل الحقد اقول قولي هذا واستغفر الله العظيم لي
ولكم - 00:59:57